



## Ավետիք Իսահակյան

### Ամեն անգամ, երբ նայում եմ

Ամեն անգամ, երբ նայում եմ  
երեխայիս խաղերին,  
Թե ինչ սիրով փարվել է նա  
քարին, ջրին ու հողին, -

Խոսք եմ խոսում իմ սրտի հետ.

- Է՛յ իմաստուն մանկություն,  
Ունայն բան է խելքը մարդու  
և գործերը մեծանուն:  
Դատարկ ձայն է քաջի համբավ,  
գանձ ու պատիվ հանապազ,  
Դո՛ւ ես ոսկին, ո՛վ մանկություն,  
դո՛ւ իսկական լույս – երազ:  
Ա՛խ, երնեկ թե մանկությունըս  
հանկարծ դառնար գար նորեն,  
Գլխիս վառվեր մանկութ օրվա  
արեգակըս ոսկեղեն:  
Անուշ մորքս ոտների տակ  
թովռայի, խաղայի,  
Փառք ու հանճար չարժեն խաղին  
մի ծաղկաբույր տղայի:  
Իմ սո՛ւրբ մանկիկ, թո՛ղ համբուրեն

թաթիկներդ ցեխտաժ,  
Դու՛ կյանք ու սե'ր, ծափ ու ծիծա'ղ,  
ուրախության դո'ւ աստված...

1917

Ժընև